

# Alkitab Anggen Anak Alit

Utusan Ida  
Sang Hyang  
Widi



Kasurat olih: Edward Hughes

Kaperagayang olih: Byron Unger; Lazarus  
Alastair Paterson

Ka tempa saking: E. Frischbutter; Sarah S.

Ka dwi aksarayang olih: Ni Luh Mastri Ayu Caerina;  
Pdt I Gusti Made Alit Purya

Kakaryanin olih: Bible for Children  
[www.M1914.org](http://www.M1914.org)

©2023 Bible for Children, Inc.

Perarem: Ida dane dados nerjemahang utawi nyalin carita puniki,  
nanging nenten dados ke adol.



Sedek dine anu ring Purin Ida Sang Hyang Widi, ade pemucuk  
agamane ane meadan Zakharia, sedeng ngenyitin dupe. Di jabe  
liu anak ane ngestawa. Tan dumade dane  
Zakharia ngejer.



Ade malekat Ida Sang Hyang Widi nyinahang rage. “Ede je jejuh,”  
baos malekate ento. “Ida Sang Hyang Widi ngutus tiang. Rabin  
semetone lakar ngelekadang rare. Adanin je iye Yohanes. Ia lakar

kebekin Roh Suci uli ia mare lekad. Ia lakar  
ngajakin makejang anake apange  
mebalik ke

margin  
Ida Sang  
Hyang  
Widi.”



“Mebaos je ajak titiang ane ade dini, Zakharia.” Makejang anak ane ade di jabe pade bingung. Ia tusing je nawang yen malekat Gabriel sube ngomong teken Zakharia, dane lakar kolok nganti okan dane lekad, uli krane dane tusing percaya ring pangandikan Widine. Dane mepineh rabin dane tusing lakar ngelah pianak sawireh iye sube tua buat

ngekadang anak alit.



Jumahan, dane Zakharia nulis  
makejang ape ane dadi bebesen  
malekate. Elisabet rabin dane ne  
merase heran. Ipun setate ngestawe  
mepinunas apange ngelah pianak.  
Apeke jani sube masane?



Tusing je mekelo ngantosang, lantas dane Elisabet sube nawang iye lakar beling. Sedek dine anu, misan dane Elisabet, dane Maria melali ke umah ne. Dane Maria masi sedeng beling.





Sesubane dane Maria teked ditu, Elisabet merasa bayi ane ade di basangne nglejuh. Elisabet kebekin Roh Suci. Dane nawang bayi ane ade di belingan dane Maria tusing je len sujatine Ida Sang Hyang Yesus Kristus. Ipun ajak dadue lantas memuji-muji Ida Sang Hyang Widi antuk manah ane sukerena.





Okan dane Elisabet lekad sekadi ane sube kejanjang olih Ida Sang Hyang Widi. “Adanin je ia Zakharia patuh buke adan bapane.” Baos pare pemucuk agame ne. Zakaria inget teken Sabdan Ida Sang Hyang Widi. “Tusing keto adane, adan pianak tiange Yohanes.” Dugas dane Zakharia nulis adan okan danene, jeg dane bise buin ngomong. Lantas dane memuji ngeluwihang parab Ida Sang Hyang Widi.



Rikale dane Yohanes sayan ngelihan, dane patuh care nabi Elia, anak seselikan Ida Sang Hyang Widi. Dane Yohanes midartayang teken anak-anake mekejang, yening Putran Ida Sang Hyang Widi jage rauh buat mengertanin ipun.



Pemucuk-pemucuk  
agame Yahudine medihin  
dane Yohanes, uli krane  
dane ngorahin ipun  
“bertobat, suud je ngae  
dose.” Ipun tusing nyak  
ngidepang apange inget  
teken dose-dosan nyane.



Makejang anake ngaukin dane Yohanes Pembaptis uli krane dane nyilemang tur ngelukat ipun di yeh tukade, ane dadi bukti ia sube nyeselin dose-dosan nyane. Sedek dine anu Ida Hyang Yesus ngidih apange Yohanes ngelukat Ida.

“Semeton patut ngelukat tiang,”

Dane Yohanes tusing nyak ngelukat Ida Hyang Yesus.

Ida Hyang Yesus mesabda,

“depang je unduke ene kelaksaneyang.”

Dane Yohanes raris ngelukat

Ida Hyang

Yesus.



Rikale Ida Hyang Yesus kelukat, dane Yohanes ningalin Roh Suci turun ring duur prabun Ida Hyang Yesus merupe kedis dedare. Nah ento dadi tanda uling Ida Sang Hyang Widi. Dane Yohanes lantaw nawang Ida Sang Hyang Yesus sujatine dados Putran Widi. Dane Yohanes maosang Ida Sang Hyang Yesus pianak biri-birin Ida Sang Hyang Widi sane ngapus dose-dosan jagate.





Pidartan dane Yohanes ngranayang liu pesan anak ane mebalik ngiring Ida Sang Hyang Widi. Sakewala Herodes, pemucuk ane jaat, ia nyelepang dane Yohanes ke pangkenge. “Sang prabu sube medosa uli krane nyuang Herodias, somah dane Filipus, lantas nadiang iye druwen sang prabu,” baos dane Yohanes. Dane Herodes sujatin nawang, ape ane kebaosang dane Yohanes sujatine beneh pesan.





Dane masi nawang dane  
Yohanes ento minekadi  
kaulan Ida Sang Hyang  
Widi, ane patut lan suci.  
Sakewale dane tusing je  
nyak suud ngae dose. Tur  
dane Yohanes masi tusing  
lakar suud buat nartayang  
indik pertobatan, yadiastu  
dane kecelepang di  
pangkenge.



Dane Herodes ngae pesta ulang tahun ane mewah. Okan dane ane istri mesolah buat dane Herodes. Nah ento ngranayang atin dane Herodes liang pesan, tur dane mejanji “Aji lakar ngisinin makejang ane dadi pengidih okane kapin je iye nagih ngidih tenge wewengkon pemeritahane.”







Anak istri ento  
mepineh “apeke ane  
lakar kenehange.”  
Herodias ibun nyane  
ane jaat, ane tusing  
pesan demen teken  
dane Yohanes,  
ngorahing pianak ne  
ape ane lakar dadi  
pengidihne.  
Pengidihne jeg  
nakutin pesan.



“Baang je tiang ngidih sirah dane Yohanes pembaptis di duur talame.”  
Keto pengidih anak istri ento tekenin bapane. Dane Herodes sedih pesan teken janjine, sakewale dane tusing buin nyidang ngubah. Dane Herodes mrentahang prajuritne “sepeg je baong dane Yohanes lan enggalan abe mai.”



Makejang timpal-timpal  
dane Yohanes merase  
sedih, ia lantas ngubur  
mayat dane Yohanes  
kaulan Ida Sang Hyang  
ane tusing nawang  
jejuh tur ane setie.  
Pekaryan dane  
Yohanes sube pragat.  
Mirib iye ajake  
makejang nawang tur  
percaya Ida Sang  
Hyang lakar ngibur  
kesedihan ipune.



## Utusan Ida Sang Hyang Widi

Wenten katuturan carita saking pengandika Ida sang Hyang  
widi mewasta Alkitab,

dados sobyahang ring

Markus 6; Lukas 1, 3

“Pemargin saking pengandika Ida Ngicenin Karahayuan.”

Mazmur 119:130



Puput



Carita ring Alkitab puniki nyaritayang indik Ida Hyang Widhi mahotama sane ngripta iragane tur sane mapikayun iraga nguningin Ida.

Ida Hyang Whidi uning iraga sampun melaksana sane iwang, sane kaucap antuk papa. Papongoran antuk jadmā sane melaksana papa inggih punika lepas utawi padem, sakewanten Ida Hyang Whidi dahat sutresna. Ida raris ngutus okan Idane sane meraga tunggal, sane mapesengan Ida Hyang Yesus Kristus, mangda Ida lepas ring taru Salib tur kapongor sangkaning kaiwangan iragane. Ida Hyang Yesus urip malih tur mantuk ka Suarga loka! Yening ragane pracaya indik Ida Hyang Yesus tur mapinunas mangda Ida ngicenin pangampura antuk keiwangan-kaiwangan iragane, Ida jagi nglaksanayang! Ida jagi rauh tur meneng ring sejeroning pareragan ragane sane mangkin, tur ragane jagi nyeneng sareng Ida ngantos riwekasan.

Yening ragane pracaya indik kepatutan punika, nikaang puniki ring Ida Hyang Widhi: Ida Hyang Yesus, tityang pracaya pareragan Idane sawiakti Ida Hyang Parama Kawi, nanging Ida nyeneng dados manusa sane lepas santukan nebasin kaiwangan iragane, tur sane mangkin Ida pacang urip malih. Dumogi Ida rauh ring kauripan iragane lan ngicen pangampura antuk keiwangan iraga makesami, sane ngawinang irage madue keuripan sane anyar tur buin pidan irage pacang meraga siki sareng Ida. Wantu tityang satinut sareng titah Idane tur idup daos pianak Ida, Amin.

Ngiring ngewacen Alkitab tur mapitatur sareng Ida Hyang Widhi ngerahina! Yohanes 3:16

